



Комсомолю Вайгяль

ЛИСЕНДИ VIII-це КИЗОСЬ

ВЛКСМ-нь Мордовский
обкомъ и Саранскийнь
горкомъ газетасна.Адресъ: г. Саранск, Советская ул.,
Дом печати, Телефон № 1—60.

ПИТНЕЦ 5 тр.



ЛИСЕНДИ КОВТИ 12-ксть

Мордовский АССР-нь Верховный Советъ 4-це Сессияц

Июнь 16-це шистонза Советонь Домса, МАССР-нь Верховный Советъ заседаниянь залсонза, 12 частста панжевсь Мордовский АССР-нь Верховный Советъ 4-це Сессияц. Сессиять панжезе Мордовский АССР-нь Верховный Советъ председателец депутатъ В. П. Петушковсь.

Верховный Советъ единогласна кемокстась шинь тяфтама поряд-ка:

1. 1940 кизонди Мордовский АССР-ть государственнай и местнай бюджетонзон кемокстасна и 1939 кизонкса МАССР-ть бюджетонц пашкодеманд колга отчетть кемокстамац.

2. Мордовский АССР-нь Верховный Советъ 2-це и 4-це Сессиязон йоткса примаф укасень кемокстасна.

3. Мордовский АССР-нь Верховный Советъ Президиумонц составонц пополненияц колга.

Шинь порядкатъ васень кизефсонц колга доклад тись Мордовский АССР-нь Финансонь Народнай Комиссарсь депутатъ Кольчугинць, и содоклад тись МАССР-нь Верховный Советъ бюджетнай комиссияц председателец депутатъ Мишинць.

Сяда меле ушедсть молема преният шинь порядкатъ васенце кизефсонц коряс. Пренияса корхастъ депутатне Васильев, Лобанова, Уцаев. Илядень заседанияса мольсть преният шинь порядкатъ васенце кизефсонц коряс.

Литовский правительствась тусь отставкас

Каунас, июнь 15-це шистонза. (ТАСС). Кода пачфни литовский телеграфнай агентствась, Меркисонъ правительствась тусь отставкас. Од правительствать формироваандамац порученай литовский армиять ингольдень командующайнцты Раштикис генералти.

Якстерь Армиять частенза пачкодсть Литвав

Минск, июнь 15-це шистонза. (ТАСС). Июнь 15-це шистонза советский танковой частьтне и мото-пехотась йотазь литовский границу и иляденди сувасть Вильно, Каунас и Кедайняй ошненди. Советский войскактень молема сна йотни планомерна и кодамовок инцидентфтома.

Каунас, июнь 15-це шистонза. (ТАСС). Июнь 15-це шистонза 17 частста 45 минутаста советский танковой частьтне и моторизованнай пехотась ушедсть сувама Каунасу. Ошса оцю оживления. Каунасонъ кемотъ тьожяты житель кядень цяпазь и „ура“ ювадезь приветствовандасазь советский войскактень. Красноармеецненди и командирхненди максихть памчфт.

Обсуждандакшнесазь ВЛКСМ-нь ЦК-ть XI пленумонц материалонзон

Собраниятне йотнихть живойста

Краснослободский райононь первичнай комсомольский организациятне пяк живойста обсуждандакшнесазь ВЛКСМ-нь ЦК-ть XI пленумонц материалонзон.

Июнь 14-це шистонза пленумть материалонзон обсуждандамаснон колга йотафтсть общай собраният политпросвет и средний школань, Куйбышевть лемса промартелень и лия комсомольский организациятне. Собранияса комсомолецне ВЛКСМ-нь ЦК-ть XI-це пленумонц материалонзон обсудили пяк деловойста.

Шаверки велень аф полный средний школань комсомолецне, цебярьста тонадомок ВЛКСМ-нь ЦК-ть XI-це пленумонц материа-

лонзон, эсь общай собраниясостлангу лихтсть аф дисциплинированностень возмутительнай факт. Тяса кой-кона комсомолецне членский взносонъ пандомать эзда фалу съопондозь эсь фактический заработкаснон и паннестъ 7--8 цалковайть вастс аныпек 2 цалковайхть ковти. Тяфтамкс, например, лувондовихть комсомольский организациять секретарец Ландровась, Горбылев и Матвеев комсомолецне.

Общай комсомольский собраниясь нят комсомолецнень мархта тиф фактнень кемоста осудил, лувонзень синь аф комсомольскийкс, аф честнайкс.

Дм. Родин.

Аккуратнайста паннемс членский взност

ВЛКСМ-ть уставоц веши эрь комсомолецть ширде членский взноснень эсь пингтост и правнайста пандомаснон. Но уставть тя требованиязон кой-кона комсомолецне и комсомольский организациянь секретарьхне аф пашкотькшнесазь.

Сире Теризморга велень Буденнайть лемса колхозонъ комсомольский организациять секретарец Чудаевсь аф вяти кодамовок работа комсомолецнень йоткса. Тяняеви тоста, што лама комсомолецонъ 5-нь ков апак пантт эсь членский взносна. Комсомолкась Лопаткинась ламоксть обращался Чудаевти эсь взносонзон пандомаснон колга, но Чудаевсь категорически отказакшнес примамс

синь, бта аш времац.

Тяда башке, Чудаевсь эсь организациясонза комсомолецнень ашезень кемокста колхозникнень йоткса массово-разъяснительнай работань вятема. Тундань видема кампаниять йотамс колхозникнень йоткса вестенге апак тиентель международнай положенянь колга беседа.

Комсомолецнень и марнек сембе организациять работанц колга Чудаевсь ашезъ путне вестенге кизефкс комсомольский собранияса.

Комсомолецне надияхть, што маластонъ пингть Чудаевсь ладясы комсомольский организациять работанц.

А. Овтина.

Сире Шайговань район.

Эрь колхозти—водоем

Комсомольский организациять инициативанц коряс

Аф кунара Кочелаевский велень советонъ „Якстере заря“ колхозонъ комсомольский организациясь (секретарсь Зубарева ялгась) эсь собраниясост обсудили Саранский райононъ Ворошиловть лемса колхозонъ колхозникнень водоемонъ тиёмать колга съормаснон. Эсь собраниясост комсомолецне лихтсть постановления—ароптомс сембе лихтибратнень, нолдамс маласта лотконяты эзда ведь, а сяда меле прудямс сонъ.

Эсь решениянц мархта комсомольский организациясь выступил первичнай партийнай организациять и колхознай собраниять инголе. Парторганизациясь и общай колхознай собраниясь шназь комсомолецнень инициативаснон и арьсестъ маластонъ пингть пашкодемс комсомольский собраниять решениясонза азф мероприятиятнень.

Кочетков.

Кочкуровский район.

Дружной работа

(Телефон вельде)

Сире Шайговань райононъ лама колхозга обсуждандазь Таловский райононъ „Железнодорожник“ колхозонъ колхозникнень водоемонъ тиёмать колга съормаснон и дружнайста кярьмодсть тя работати.

Акшевский велень советонъ „Путь Ильича“ колхозонъ комсомолецне, од ломаттне и колхозникне сембе вийса кярьмодсть колхозть прудонзон прудяма. Колхозть улихть колма ташта

прудонза. Синь эздост кафттне петъфт ни.

Прудонъ петемаса активнай участия примосестъ комсомолецне. Колхознай комсомольский организациясь кемгафтува комсомолец кемокстась прудонъ петема. Маластонъ пингть комсомолецнень, од ломаттнень и колхозникнень вийснон мархта ули петъфколмоце прудсь.

В. Каргин.



Финский белогвардейщинаць каршес тюреманы фронтса командованиянь боевой заданиятнень образцовайста пашкотькшнемаснон и тяка пингть геройствань и отвагань няфемать инкса младшай лейтенантти Иван Яковлевич Куштинти максф Советский Союзонъ Геройнь звания.

СНИМКАСА: Советский Союзонъ Геройсь, младшай лейтенанть И. Я. Куштинць.

Фотось М. Редкинть.
(ТАСС-ть фото-клишец).

Цебярьгофтомс колхознай саттнень

Луховский велень советонъ Молотовть лемса колхозса ули цебяръ сад. Садоводсь-опытниксь, мичуринець Дадонъ ялгась цебяръста ладязе садть мельге ухотъ. Тядненъ тунлатъ васень шинзон пингстакиге Дадонъ ялгась кярсезень марлюфнень алга аши коське тараттнень. Тянь мархта сон йотай кизотъ сатсь цебяръ результатт. Пцтай кафтонъ крда касфтозе садть урожайностенц. Садсь макссь оцю доходность колхозти и колхозникненди.

Левжань совхозть базаса тядненъ кизотъ озафнеф кафкса сортт ксты. Синь йотксост касыхть „рошанский“, „саксонка“, „нармалка“, „мысовка“, „комсомолка“ сорттне. Кстыень оцю урожайностень получаманъ тевса оцю лезкс максси совхозть дирекцияц и Саранский консервной комбинатонъ опорнай пунктсь и сонъ заведующайц, научнай сотрудинокс Шишкин ялгась.

Но улихть лама колхоз, конат аф шарфнихть кодамовок мяль садонъ касфтомать шири, аф ваномок сянъ лангс, што улихть цебяръ садсна. Тяфта, например, Грибоедовский велень советонъ Сталинть лемса колхозса ули 75 гектар площадьса сад. Тя садса озафнеф 1931 кизонъ стандартнай питни сортонъ марлюфт. Тяниень пингть садсь аши пяк калдыав состоянияс. Мекольдень кизотнень эзда сязомок садсь вестенге апак аропт. Тядненъ кизонъ тунлатъ садса апак йотафтт корнирования, апак удобряндак органический и минеральной удобренияса. Марлюфнень йоткса касы дикий сорттше.

Садть калдыав состоянианц лангс колхознай комсомольский организациясь кодамовок мяль аф шарфни.

Ф. Биксеев.

Саранский район.

Валонь гениальной художниксь

Тячи топодсь ровна ниле кизот, кода злодейски кулофтозь народонь вракне, колмонь крда презреннай троцкистско-бухаринский бандитне русский народть великий генийнц, социалистический реализмань литературать обогатителенц, социалистический культурань знаменитый мастеронц — Алексей Максимович Горькийть. Народонь вракне, подлай изменникне злодейски кулофтозь великий пролетарский писательть сянкса, мес сон ульсь коммунизмань пламенной борец. Сон ульсь оцю страхокс народть врагонзонды и пефтема маласа ащесь трудящыхенди.

Великий пролетарский писательть калмамста траурнай митингса В. М. Молотов ялгась азозе:

„Минь странасонк, да и лия странасовок фкявок крупной писатель ащезе сода тяшкава малава капитализмать пингстаэксплуатируемай народть эряфонц.. синь эздост нльна фкявок тяфта проста ащезе няе эсь сельмосонза подневольнай трудса муцаф и капиталть мархта забитай тняра ломань, кода минь Горькийнц, ке, конань эса сембе тя ковандась капиталистический стройти непримиримость и коммунизмать освободительнай виинцы беззаветнай вера“.

Марвек эсь эряфонц М. Горький максозе „свинцовой мерзосттнень“ машфтомасон инкса, конатнень шачфезень помещикнень и капиталистнень господстваса.

Алексей Максимович Пешков (Горький) йотафтозе идикс пингонц Нижний Новгородса, Каширин атянц ширеса, кона эста ульсь малярнай цехонь старастакс. Атясь ульсь суровой, сон азонкшнеше эсь уноконцы, кода тьякжеспедсь эзонза: „Монь, Алеша, сяшкава пиксескшнемазь, конань тон страшнай онцотка аф ниясак. Монь сяшкава обижсезь, што шять сонць нльна шкайське ванць и авардсы“.

Кда атяц тонафтсь, што эряфсь — сембонь войнасна сембонь каршес, то бабац воспитандакшнесь сонь эзонза ломанти кельгома, убеждаандакшнеше сонь, што эряфсь — радостень и красотань источник, кона кастяф аф эрявикс и бесмысленнай жестокостьса.

Тядянц куломда меле, мзярда цьоракшсь илядсь круглай сиротакс, атяц азозе тейнза:

„Ну, Алексей, тон—аф медалят монь кргасон—аф васта тьяс тейть, а арта-ка листь ломань йоткс..“

„Детство“, „В людях“, „Мои университеты“ эсь автобиографический книганзон эса Горький няфтезень аф аныцек дикай русский эряфонь „свинцовой мерзосттнень“, конат ульсь революцияда инголе, но сяка жа пингть азондсь пефтома лама прекраснай ломанень колга, конат лиссть народста, конат срыгозьфтезь сонь веранц эряфти, народти.


Сонь романтический „вымыслац“ „кой мзярда кошярезень исследовательхнень юксемс од Горькийть реализманц. И виде, „Дед Архип и Ленка“, „Емельян Пилый“, „Челкаш“, „Коновалов“, „Супруги Орловы“, „Бывшие люди“ и лама лия рассказонзон эса Горький няфтьсь обездоленной массань эряфонь изумительнай яркай и пяк реалистический картинат. Сон вя рассказонзон эса няфтезе вародть гневонц и ненавистенц оязоронь чиновникти и купецти, сембе ся системати, ко-

на шачфни обездоленность.

„Сокольт колга“ и „Буревестникть колга“ моронзон эса А. М. Горький прославляет смелхнень и храбрыхнень героизмасон и инголькге азондсь бурять, кона калафтсы царизмать.

Бурясь кеподсь, сась революциясь. Сонь эсонза Горький арась активнай участникос аф аныцек кода писатель, но и кода общественнай деятель.

М. Горький работась большевистский партиять мархта эрямань васенце кизонзон эзда-



киге, Горький примоси нль активнай участия пролетариатть тюремаса.

1905 кизоня январть 9-це шистонза рабочайхнень ляцемасон организаторонзон каршес возваньянкса сонь арестовандазь и пякстазь Петропавловский крепостти. Крепостьста лисемда меле сон примоси активнай участия Москуса декабрьский восстанять анокламаса.

1905-це кизонь декабрьста Горький васенцеда васедсь Ленин ялгать мархта. Тя ульсь синь йоткост теснай дружбань ушетксоск, кона ванфтовсь сембе пингс.

Реакциянь кизотнень пингста Горький иляткшни вернайкс революцияти. Сон кири живой соткс большевикнень мархта, сот-

рудничендай подпольнай партийнай печатсь. Сон тя пингть сьормады „Враги“ драманц, „Мать“ романонц. „Мать“ романоц повонды ся пингонь буржуазнай вишке критикань алу. Но сон заслужил В. И. Ленинонь цебарь оценканц.

Ленинонь мархта Горькийть дружбац нинге сядонга кемоксни. Ленин корхтась: „Горький—безусловна ащи пролетарский искусствати крупнейшай представителькс, конац лама макссь тейнза и нинге сяда лама может максомс“.

Няка жа мялензон Ленин кемокстазень Горькийть колга 1917 кизоня. Сон корхтась: „Горький—громаднай художественнай талант. Сон кандсь и сяда лама кандь пользада всемирнай пролетарский движенияти“.

Великий пролетарский писательсь эрясь 19 киза советский властть пингста. Тя пингть сон няфтезе народти эсь прянц кода социалистический культурань страстной публицист, лама изданийн редактор, литературнай кадрань воспитатель, минь сембе литературнай движенияньконди замечательнай руководитель. Сон тя пингть сьормадозень „Дело Артамоновых“, „Жизнь Клима Самгина“, „Егор Булычев“ и лама лия произведенийанзон, конат ащихть революцияда ингольден Россияти художественнай энциклопедиякс.

Сталин ялгась, кода и Ленин, пяк ценил Горькийть, социализмать инкса великай борецть. Сталин ялгась лама кизот кирдсь дружба Горькийть мархта. Горькийть „Девушка и смерть“ произведенийанц колга Сталин ялгась корхнесь: „Тя штукась сяда вию, чем Гетень „Фаустоц“.

1936-це кизонь июнь 18-це шистонза Горькийсь кулось, но лемоц сонь нинге валдопни йотть. Сонь гениальной книганза кепсезь и кармайтхь кепсест мильоннай массатнень мяльсон Ленинть — Сталинть тевсон инкса тюрематти.

Сембе миронь пролетариаттне пефтема кельгсезь сонь произведенийанзон и свято чтут сонь паметенц.

Мевькс синь улихть

Сире-Драка велень 10-це классикне пяк деловойста арьсезь профессиянь кочкамать. Синь эздост кажнайсь тьяни содасы, кодама профессия сон саты средний школать аделамда меле.

Королев Павелсь, конац средний школаса тонафнемста эсь ялганзонды няфнесь образец, азозе эсь мяленц улемс отважной артиллеристокс.

Ученикне: Конушева Александрас, Оводов Ваясь и Матюшкинц азозь эсь валсон улемс касыкс поколениянь воспитателькс, советский педагогос.

А Маркин Ваясь, лувомок сембе эсь мяленц, кочкась эстейнза строительнай инженеронь профессия. Ваясь тья кизоня туй тонафнема строительнай институту.

Ученикнень-выпускникнень тья замечательнай мяльсна йотай эряфс, и синь кармайтхь работама минь кельгома родинаньконь единой, ударнай семьясонза эсь кельгома специальностьсон коряс.

Я. Пинясов.

Ковылкинский район.

Кизоньберьф кемоста тонафнесть

Шямонь велень аф полной средней школань 6-це классонь ученикне Борискин Семенць, Пензин Серафимсь, Таронкин Иванць, Савкина Марусьясь и Пиксина Катясь кизоньберьф тонафнесть пяк кемоста.

Нят ученикне тьята жа настоячивайста максозь переводнай испытаниятненьге. Синь сембе предметнень коряс испытаниятнень максозь отличнайста и цебарьста.

Никатин.

Ковылкинский район.



СНИМКАСА: Пензенский машинакинц 14-це № совхозть лучшей дояркаи, 1940-це кизоня ВСХВ-нь участницась—М. И. Шишкинась „Султанка“ трактсь мархта, кона суткати максси 28 литра лопца.

Фотось Н. Павловть.

Алашатнень мельге

цебарь уход

Цебарьста якай алашатнень мельге Од Выселка велень Калининть лемса колхозонь 1-це бригадань старшай конюхсь С. Надешкинць. Сон эсь пингстонза симнесыне и аннесыне алашатнень.

Васенда Надешкинц ялгать алашанзон йоткса ульсь калдыв упитанностьса алашат, сон нятнень явфтозень башка и кармась синь башка аннемост аныцек ветфельдшерт указаниянзон коряс. Тянь мархта сон сатсь цебарь упитанность.

Эрь шиня сон алашатненьди лугаста усски лятьф тише. Тянийнц пингть Надешкинць работац ащи кепотьксоск сембе колхозса.

Г. Лобурев.

З.-Полянский район.

СТЕНГАЗЕТАТЬ ЛЕЗКСОЦ

Печатсь — тья самай оржа орудия минь аф сатыксоньконь машфтомаса. Сонь вельденза минь няфнесаськ сатфксоньконь и аф сатыксоньконь.

Зубово-Полянский райононь Од Выселка велень Калининть лемса колхозса цебарьста ульсь ладяф тундань видема кампаниять пингста стенной печатть работац. Колхозса сембе бригадатнень эзга нолявсть стенгазетат. Тьяда башка колхозонь правлениясь нолясь общеколхозной стенгазета.

Сембода лац работась стенгазетась 3 № бригадаса (редакторсь Ромашев ялгась). Газетась аккуратнайста няфнезень цебарь работникнень и резкайста критиковандакшнезень калдывста работай колхозникнень. Сонь вельденза колхозникне сявондсть пример сеяльщикнень Барановть и Василий Катмановть образцовай работасон эзда.

Стенгазетань редакторхне сявсть эсь лангозост обязательства сянь инкса, штоба тядовга лац организовандамс газетатнень работасон уборочнай кампаниять пингста.

В. Общев.

Ответ. редакторть заместителец И. ЧУДАЙКИН.